

Script of Evening Gojri News Bulletin 02 October 2024 at 1700 Hrs

ایوننگ گو جری نیوز بلیٹن مو رخہ 02 اکتوبر 2024

یوہ آکا شوانی جموں ہے محمد امین انجم تے عبدالرحمن شاہین تیں خبر سٹو۔ پہلاں خاص خاص خبر۔

- *1. وزیر اعظم نریندر مودی نے کہیو ہے صاف بھارت حاصل کرن واسطے لگاتار کوشش ضروری ہیں۔
- *2. مُلک گا دوجا حصاں غی طرح جموں مانہہ گاندھی جینتی منائی جا رہی ہے۔
- *3. لیفٹنٹ گورنر نے کہیو ہے جے جموں کشمیر چناؤ نے نوی تاریخ رقم کی ہے۔
- *4. تے مہاتما گاندھی غا جنم تہاڑا گا موقعہ ور نوجوان امور تے کھیدان غی وزارت نے ”فٹ انڈیا مُلک گیر پروگرام غو 5 ووں شمارو شروع کیو۔

خبران غی تفصیل نال پہلا عبدالرحمن شاہین۔

PM Swachta Hi Seva

صل کرن بارے Ha وزیر اعظم جناب نریندر مودی نے کہیو ہے جے صاف ستھرو بھارت لگاتار کوشش بڑی اہم ہیں۔ اج نوی دہلی مانہہ سوچہ بھارت مشن غا 10 سال مکمل ہون گا موقعہ ور سوچہتا ہی سیوا پروگرام سنگ خطاب کرتاں واں جناب مودی نے 140 کروڑ بھارتیہ لوکاں نانہہ اس اٹل جذبہ واسطے سلامی پیش کی ہے جے وے صفائی نانہہ اک جن اندولن بنا رہیا ہیں۔ انہاں نے اس گل نانہہ دُہرایو جے سوچہ بھارت مشن غی کامیابی غے پچھے ہر اک غی خدمات ہیں۔ انہاں نے اس گل نانہہ اُجاگر کیو جے پوری دُنیا غا بہت سارا حصاں مانہہ اس سلسلہ مانہہ اج تقریبات غو انعقاد کیو جا رہیو ہے۔ صفائی مہم مانہہ بہت ساری ریاستاں غا وزیر اعلیٰ، وزرا تے دوجا نمائندہ شرکت کر رہیا ہیں۔ وزیر اعظم نے کہیو جے سیوہ پکھواڑہ غا صرف 15 دناں مانہہ مُلک غے اندر 27 لکھ تیں زیا دہ تقریبات منعقد ہونی ہیں۔ جن مانہہ 28 لکھ تیں زیا دہ لوکاں نے شمولیت کی ہے۔ انہاں نے کہیو جے یوہ دن ہمنانہہ یاہ رغبت دلا وے جے ہم آنجہانی مہاتما گاندھی تے مُلک غی دوجی شخصیات غا نظریات غے مطابق بھارت غی خواہاں نانہہ پوراں کران۔ جناب مودی نے سوچہ بھارت مشن غی کامیابی با رے تمام ہم وطنان، صفائی ورکراں، مذہبی لیڈراں، کھلاڑیاں نامور شخصیات، غیر سرکاری تنظیمان تے ذرائع ابلاغ غا افراد غی خدمات نانہہ سراہیو ہے۔ جناب مودی نے مزید اس گل نانہہ وی اُجاگر کیو جے اج 10 ہزار کروڑ روپیاں تیں متی لاگت آلا صفائی ستھرائی پروجیکٹاں غو افتتاح کیو گیو ہے۔

Swachhta He Seva

بہت سارا مرکزی وزراء تے بکھ بکھ سیا سی جماعتاں گا لیڈراں نے اج پوری دہلی مانہہ سوچہتا ابھیان مانہہ شمولیت کرتاں واں بابائے قوم مہاتما گاندھی نانہہ اُن گا جنم دن گا موقعہ ور خراج عقیدت پیش کیو ہے۔ بھارتیہ جنتا پارٹی گا قومی صدر تے مرکزی وزیر صحت جگت پرکاش نڈا نے ذرائع ابلاغ سنگ گل کرتاں واں کہیو ہے جے بابائے قوم

آنجہانی مہا تما گاندھی نے صفائی ستھرائی با رے آواز دتی تھی۔ جس نانہ حکومت نے اک بڑی تحریک مانہ بدلیو ہے۔ جناب نڈا نے لوکان ور زور دتو ہے جے وے صفائی ستھرائی نانہ یقینی بنان با رے اکھٹا ہو جائیں تے بھارت نانہ صاف، خوشحال تے صحتمند بناویں۔ مال چوکھر تے ماہی پروری غا وزیر راجیو رجن سنگھ نے کریشی بھون مانہ شرم دان مانہ شرکت کی۔ انہاں نے کہیو جے صفائی ستھرائی لوکان غی زندگی غو بڑو اہم حصو ہے۔ انہاں نے مزید کہیو جے حکومت نے صفائی ستھرائی با رے بیداری پھیلان غا مقصد سنگ سوچھتا ابھیان نانہ چلايو ہے۔ وزیر اعظم غا دفتر مانہ مرکزی وزیر مملکت ڈاکٹر جتندر سنگھ نے وی قومی راجدھانی غے اندر نہرو پارک مانہ سوچھتا ہی سیوا مہم مانہ حصو لیو۔ اس تقریب غے دوران وزیر موصوف نے ”ایک پیڑ ماں کے نام“ مہم غے تحت اک پودو وی لایو۔

Gandhi Jayanti Muskan

گاندھی جینتی غا موقعہ ور اج چھنی راما جموں مانہ جموں میونسپل کارپوریشن غی طرفوں معزور بچہ خانہ مسکان مانہ اک پروگرام غو انعقاد کیو۔ اس پروگرام مانہ صوبائی کمشنر جموں ڈاکٹر رامیش کمار، جموں میونسپل کارپوریشن گا کمشنر ڈاکٹر دیوانش یادو تے ایڈیشنل ڈی سی جموں موجود تہا۔ پروگرام مانہ بولتیاں واکشنر میونسپل ڈاکٹر دیوانش یادو نے اس طرح کہیو۔ بانٹ۔

GGF Jammu

گاندھی گلوبل فیملی جموں کشمیر نے اج تاریخی دیوان عام مبارک منڈی وراثتی کمپلیکس جموں مانہ بابائے قوم نانہ اُن غا 155 واں جنم تہاڑا ور یا دکرن واسطے اک تقریب غو انعقاد کیو۔ اس موقعہ ور پریزائڈینگ افسر آئی ڈی سونی نے کُجھ دوجی شخصیات غے ہمراہ گاندھی جی نانہ پُھل چاڑ غے خراج عقیدت پیش کیو۔ اس موقعہ ور بولتیاں واکشنر نے طالب علمان ور زور پایو جے ویں گاندھی جی غی قدران نانہ اپنے اندر جذب کریں۔ پروگرام مانہ سکاؤٹ اینڈ گائیڈز گا چیرمین ایم ایم جوشی نے اس طرح کہیو۔ بانٹ۔

Gandhi Jayanti Kishtwar

کشتواڑ مانہ گاندھی جینتی منان غا سلسلہ مانہ چیف ایجوکیشن افسر جاوید احمد کچلو غی ہدایت غے تحت پورا کشتواڑ ضلع غا کوئی 8 ہزار تین متا طالب علمان نے اکٹھاں ہو غے گاندھی جینتی منانی ہے۔ پورو دن ضلع مانہ لگاتار تقریبات و پروگرامان غے دوران با بائے قوم آنجہانی مہاتما گاندھی نانہ خراج عقیدت پیش کیو گیو ہے۔ تے اُن غی زندگی غی طرز و میراث ور لو کہلتاں واکشنر نے عدم تشدد کی گراں قدر ہمیشگی قدران، امن تے سماجی خدمات نانہ بابدو دین با رے توجو دتی گئی۔ مہارا ضلع نامہ نگار کیلاش ناتھ سنگ بات چیت کرتاں واکشنر چندر پرکاش نے کُجھ اس طرح کہیو۔ بانٹ۔

Swachta abhiyan Udhampur

ضلع عدالتی کمپلیکس اُدھم پور مانہ ضلع قانونی خدمات اتھارٹی اُدھم پور غی طرفوں صفائی ستھرائی غا اصولان تے پائیدار زندگی با رے نمایاں عزم ظاہر کرتاں واکشنر سوچھتا ابھیان چلايو گیو۔ سب جج اُدھم پور اجے کمار شرما غی ہدایت غے تحت ضلع قانونی خدمات اتھارٹی گا تمام عملہ نے اس تقریب مانہ پُر جوش شرکت کی۔ بعد مانہ ضلع عدالت

تین مہاتما گاندھی غا مجسمہ آلا دومیل چوک تک اک ریلی وی کڈی گئی۔ اس موقعہ و ر ذرائع ابلاغ سنگ گل کرتاں و ان ضلع قانونی خدمات اتھارٹی غا سیکریٹری و سب جج اڈھم پور اجے کمار شرما نے اس طرح کہیو۔۔۔بانٹ۔۔۔

Gandhi Jayanti Poonch

ضلع اڈھم پور گاندھی جینتی اداراں مانہہ گاندھی جینتی پُر جوش طریقہ نال منائی گئی۔ اس موقعہ و ر بابائے قوم غی عزت مانہہ صفائی مہم اور ثقافتی پروگرام کیا گیا تقریبات غی سربراہی کرتاں و ان چیف ایجوکیشن افسر پونچھ لال حسین نے سوچھتا حلف شروع کرایو۔

یہ خبر تم آکاشوانی جموں تیں سن رہیا ہیں خبراں غا باقی حصہ نال محمد امین انجم۔
LG JK

جموں کشمیر گاندھی جینتی گورنر منوج سنہا نے اج جموں کشمیر غا لوکاں تے خاص کر کشمیر غا لوکاں غو اس گل واسطے شکریو ادا کیو ہے۔ جے انہاں نے حال ہی مانہہ اختتام پزیر ہوا اسمبلی انتخابات مانہہ شمولیت بارے بڑی تعداد مانہہ باہر آیا ہیں تے انہاں نے اپنا حق رائے دہندگی غو استعمال کیو ہے۔ انہاں نے کہیو ہے جے کشمیر غا لوکاں نے ووٹ غی طاقت تے بندوق غی فضولیت نانہہ سمجھ لیو ہے۔ بابائے قوم آنجہانی مہاتما گاندھی غا جنم دن یعنی گاندھی جینتی غا موقع و ر راج بھون سرینگر مانہہ اک اجتماع سنگ بولتاں و ان لیفٹنٹ گورنر نے کہیو جے پوری یوٹی مانہہ اسمبلی چناؤ پُر امن رہیا ہیں تے اس دوران بڑی تعداد مانہہ تاریخی ووٹنگ درج کی گئی ہے۔ انہاں نے کہیو جے سیاسی جماعتاں غا امیدوار آدھی راتاں تک سیاسی ریلیں تے روڈ شو منعقد کر تارہیا ہیں تے امیدواراں تے ووٹراں مانہہ اک جوش دیکھن مانہہ آیو ہے۔ انہاں نے کہیو ہے جے 1 کروڑ 40 لکھ لوکاں نے جموں کشمیر مانہہ جمہوریت نانہہ مضبوط کرن بارے دلچسپی دسی ہے۔ انہاں نے کہیو جے ان انتخابات مانہہ لوکاں نے دسیو ہے جے وے بندوق تے سنگ بازی مانہہ یقین نہیں رکھتا بلکہ اپنا مطالبات غا حل بارے ووٹ غو استعمال کریں گا۔

Youth Affair Fit Run

اج گاندھی جی غا 155 واں جنم تہاڑا بارے نوجوان امور تے کھیڈاں بارے وزارت نے نوی دہلی مانہہ ”فٹ انڈیا سو چھتا فری ڈم رن“ بارے 500 ملک گیر شمارو شروع کیو۔ 2 اکتوبر تیں شروع ہون آلو یوہ پروگرام تمام ریاستاں تے مرکزی زیر انتظام علاقیاں پھر مانہہ چلايو جا ئے گو۔ اسے طرح سردار ولیہ بھائی پٹیل غا جنم تہاڑا غی یاد مانہہ 31 اکتوبر نانہہ اک اتحادی دوڑ منعقد وے گی۔ پروگرام شروع کرتاں و ان نوجوان امور تے کھیڈاں بارے سیکریٹری سجاتا چتر ویدی نے کہیو جے بابائے قوم نے تندرست طرز زندگی غی خاطر صاف صفائی و ر بڑو زور پایو۔ انہاں نے آجاگر کیو جے آزادی دوڑ غی تحریک مہاتما گاندھی غا اصولاں تے تعلیمات نے دتی۔ جس غو مقصد اک صاف صفائی مہم غے ذریعے تندرست طرز زندگی بارے بیداری نانہہ باہدو دینو ہے۔ محترمہ چتر ویدی نے میجر دھیان چند قومی اسٹیڈیم تیں ماتھر سڑک تک اسکولی بچاں غی اک دوڑ نانہہ جھنڈی دس غے روانہ کیو۔ جس غو مقصد بچاں نانہہ صاف صفائی تے تندرستی واسطے حلف غی خاطر حوصلہ افزائی کرنو ہے۔ محترمہ چتر ویدی نے نوجوان امور تے کھیڈاں غی اتھارٹی انڈیا ایس اے آئی غا سینئر افسراں غے ہمراہ اک صاف صفائی مہم مانہہ حصو لیو تے قومی اسٹیڈیم مانہہ بوٹا لایا۔

MEA Travel Advisory

خارجی معاملات با رے وزارت نے اج تمام بھارتی شہریاں نانہ مشورو دتو ہے جے وے ایران در غیر ضروری سفر تیں گریز کریں۔ اک سفری صلاح مانہ وزارت غی طرفوں ایران مانہ رہ رہیا بھارتی شہریاں نانہ گزارش کی گئی ہے جے وے چکنا رہیں۔ تے تہران مانہ موجود بھارتیہ سفارت خانہ سنگ رابطہ مانہ رہیں۔ خارجی معاملات با رے وزارت غو کہنو ہے جے اوں ایرانی خطہ مانہ حالیہ شدید حفاظتی صورتحال ور کڑی نزدیکی نگرانی منایا وا ہیں۔

MEA West Asia

خارجہ امور غی وزارت نے مغربی ایشیا مانہ سلامتی صورتحال ور ڈونگی فکر مندی غو اظہار کیو ہے۔ وزارت نے کہیو ہے جے تمام مسائیل گل بات اور سفارتی ذریعہاں حل کیا جائیں۔

MEA Sudan

بھارت نے سوڈان غا کھر توم مانہ متحدہ عرب امارات غا سفارت خانہ ور ہوا اک حم، لہ ور سنجیدہ فکر مندی غو اظہار کیو ہے۔ بھارت نے کہیو ہے جے کسے وی جھگڑا مانہ سفارتی اداراں غی خرمیت غی لازمی طور ور عزت کی جانی چاہیے۔ خارجہ امور غی وزارت غا ترجمان رندھیر جیسوال نے کہیو ہے جے نوی دہلی سوڈان غی صورتحال ور نگرانی رکھ رہی ہے۔

اس غے نال ہی خبراں غو یوہ بلیٹن ختم ہوؤ۔